

姑蘇襍詠原敘

宋孝宗欲相范志能以志能不知稼穡之艱命且中止  
志能聞而為賦田園雜興詩六十首以見意彼其詩雖  
曲盡田野之情要未能無所為也余友周君正道亦吳  
人安分不求無欲自足以懸車之暇怡情典墳覽觀山  
川遺田野之詞而撫民俗古蹟山水人物園池亭榭塔  
廟墳墓凡郡志所載足目所到將遂湮微者一寄之詠  
歌積以歲月得五言古詩若干首可以備考索可以興  
感慨可以悅性情非直風雲月露而已昔杜子美夔州  
以後詩紀蜀之山川畧盡千載而下目為詩史今正道

所歷雖不遠萬里而山川之勝泉石之美池臺之存歿  
園苑之廢興或使人喜或使人悲或使人傷今而懷古  
有不待跬步瞬目而吳之山水已坐進於几席之上矣  
寧不近於史乎崑山廬舍人公武方續郡志是詩固不  
可遺至於山川之美是詩與是詩之美山川其孰重孰  
輕意者公武亦莫能辨然其歸顧不賢於田園雜興役  
役富貴之塗者歟洪武丁巳冬嘉平日江陰孫大雅敘

姑蘇襍詠自敘

嘗讀高啟李迪姑蘇襍詠凡一百三十六篇古今諸體  
咸備命意騁辭如健鶻橫空如駿馬歷塊如春園桃李  
如秋汀蘋蓼超逸不羣而俊麗可喜深得詩人之妙者  
然於紀事考實乃或遺焉其於感懲創之意則未多見  
龍門一詩末云我嘗謁真龍天門謬通籍何必更區  
區求為李膺客而乃卒貽黨禍其亦嘗客膺之門矣何  
所行非所言耶噫天假之年學日以充真積力久則奚  
止於是哉余耄矣日無所事嘗因其題各賦五言六韻  
或志書有所未暇紀載者間附一二庶後之覽者或有

所採擇云洪武十年孟夏望日拙逸老人周南老書於  
明善齋之西軒

姑蘇襍詠後序

昔吾友高季迪作吳中襍詠嘗以示余且曰子該洽好  
古試為我評之聞子纂吳記有古迹可命題者幸并示  
我續為賦詠余因復季迪云舊志如吳郊臺丁令威宅  
祿里村黃姑廟等題皆無其實破虜將軍孫堅及其夫  
人其子桓王等墓今人因郡記之譌但以為桓王不知  
堅策皆葬於此朱翁子妻死郡舍後園郭門有死亭灣  
之名烏夜村在海鹽而誤云在崑山石季倫死洛陽黃  
幡綽仕長安固不當在此乘魚非琴高乃列仙傳吳子  
英事諸如此類及浮屠道家之說多涉不經其他古題

云尤可補襟詠之缺季迪躍然以喜曰非予之言吾幾踵其謬矣幸詳述其故余暇日錄吳事若干條置篋衍中將以遺季迪而季迪死矣嗚呼惜哉余今年備員內書夏五月得鄉先生周正道甫之書并詩一編有云吾讀季迪襟詠命意騁辭如健鶻橫空如駿馬歷塊如春園桃李如秋汀蘋蓼起軼不羣藻麗可喜深得詩人之妙然於紀事考實之詳感發懲創之意不能無遺憾焉余老矣復為百篇幸與德進同為我正之余覽其辭慕其謙已取友之道時霖雨彌旬歸休之暇取而讀之喜其警句瓌辭層見叠出篇後學校事實尤有關於名教

反覆熟玩病體為之灑然余惟宋楊備有絕句詠吳中事僧文鑿有律詩詠洞庭事亦各百篇俱用七言體淺近浮鄙固無足傳今周君之辭純雅蒼古凜乎史斷之嚴高君之作模擬景物蔚乎風騷之變視前人有間矣余羈官於茲所述吳記未及脫藁安得與周君考論而揚摧之以卒余之志因三復詠歎為記其後先生名南老自號拙逸子正道其字於書無所不讀歌詩特其餘事德進姓金氏名珉今國子助教云洪武十年五月廿一日崑山盧熊記

姑蘇雜詠目錄

上卷

風俗

吳趨行

古蹟

吳王郊臺

姑蘇臺

長洲苑

丁令威宅

梧桐園

館娃閣

采香逕

響屧廊

走狗塘

百花洲

吳王井

西施洞

香水溪

酒城

雞波

翫花池

琴臺

角里村

死亭灣

毛公壇

支遁菴

放鶴亭

稚兒塔

烏夜村

蔡經宅

生公臺

臨頓里

石射堞

祠廟

至德廟

子胥廟

春申君廟

三高廟

聖姑廟

白龍廟

三賢堂

周元公祠

范文正公祠

黃姑廟

冢墓

闔閭墓

婁離墓

吳女墳

干將墓

梁伯鸞墓

吳桓王墓

石崇墓

顧野王墓

貞娘墓

綽墩

韓蘄王墓

周觀察墓

下卷

山水

虎邨

天平山

洞庭山

思夫山

五塢山 五首

芳桂塢

飛泉塢

修竹塢

丹霞塢

白雲塢

陽山



龍門

卓筆峰

太湖

天池  
二首

劍池

練瀆

明月灣

越來溪

採蓮涇

女墳湖

銷夏灣

硯池

錦帆涇

泉石

白雲泉

石井泉

寒泉

太湖石

千人石

園亭

顧辟疆園

南園

松江亭

齊雲樓

滄浪亭

鱸鄉亭

寺宇

靈巖寺

南峰寺

楞伽寺

堯峰院

慧聚寺

孤園寺

橋梁

阜橋

乘魚橋

楓橋

烏鵲橋

雜賦

南山有鳥

玉波冷雙蓮

芷秀葍華 以下五題詩俱闕

王敬伯

吳鈞

鬪鴨

鶴媒歌

牛宮詞 詩殘闕僅存結尾四句

照田蠶詞

偃松

弔幽獨君

開元寺石鉢

兩妓

甫里

疊韻吳宮詞

補遺

學道書院

和靖書院

文正書院

鶴山書院

續附詞二闕

題裴莊故業 水龍吟

晚步後園有感 玉蝴蝶

蘇臺禱詠卷上



吳郡周南老正道著

風俗

吳趨行

古樂府有吳趨吳人歌其土風也

吳王重禮讓至德光軒虞絃歌被井邑流化均涵濡風  
行草迺偃澤潞水所趨學道民易使文章礪廉隅我世  
占吳籍論高每過迂聽我吳趨行莫使歌吳歆

古蹟

吳王郊臺

在橫山東麓吳僭王時嘗祀帝也

橫山東麓東阜土高崔嵬猶存壇壝跡云是吳郊臺惟  
吳本伯命淫名孰先開短垣斯自踰網紀日已摧員既  
請先死億負眾庶哉上帝其可告胡爾干其蓄

昔晉使董福復命有曰今君掩土東海以淫名  
葦於天子君有短垣而自踰之况蠻荆則何有  
於周室夫命圭有命固曰吳伯不曰吳王諸侯  
是以敢辭億負晉庶眾吳王語也億安也負  
恃也

### 姑蘇臺

在橫山西北麓夫差因越獻柵楣而起此臺造  
九曲路以登其高見三百里越破吳焚之

高：起臺榭下：深洿池不日臺已成今吳民既罷柵  
楣巧雕鏤金壁光陸離詰盤路九曲欄檻星斗垂藏春  
貯歌舞永夜甘荒嬉望窮三百里不見來禦兒

越大夫種曰吾用禦兒臨  
之禦兒越北鄙在今嘉興

### 長洲苑

在太湖北岍闔閭遊獵處也

長洲何迢：苑在水之涘林麓蔭敷紛原隰平如砥于  
焉開茂苑娛遊極雄侈講武耀威靈騎蹶而車駛繁華  
忽成夢宮堂漫流水信彼公孫占奚庸矜宰嚭

夫差嘗夢流水湯：越吾宮堂公孫聖占之  
曰此宮空虛也太宰嚭曰鄰國貢財有餘也

丁令威宅

在陽山有鍊丹井存焉

鶴仙丁令威宅枕陽山陞僊化鶴不返宅廢人已非餘  
遺丹井在井口苔生衣丹光時夜發猶能照巖扉月斜  
人籟寂鶴自遼東歸為歌華表吟但傷知音稀

梧桐園

在吳宮夫差園也

碧團宮園樹曾宿朝陽鳳花開襲香霏葉密棲纖霧雨  
雜璫珮聲風生金石弄初秋一葉零深宮愁已動前園  
忽橫生怪入夫差夢知非樑棟材盲僮斯備後

夫差夢前園梧桐橫生公孫聖占之曰梧桐  
心空不為用器但為盲童與死人俱葬也

館娃閣

在靈巖館娃宮中閣也

綺閣高嵯峨上出硯石山飛費絢金碧館娃貯瑤環笙  
歌蕩春心媚媼生歡顏闔閭不懷安自謂吞百蠻夫差  
竟窮欲壘對知後艱千年足嘅歎寂寞棲禪關

楚子西曰闔閭能敗吾師今即世吾葦其子又  
甚焉吾是以歎藍尹壘對曰吾葦夫差好罷民  
力以成私好繼欲而弱諫一夕之宿臺榭陂池  
必成六蓄玩好必從夫差先自敗也已焉能敗  
人子修德以待吳：將斃矣

采香徑

在香山之傍吳王種香於此使美人採之

香山昔種香下臨溪水長迢遙采香逕泛舟擷馨芳零  
露濕翠衣膩水明紅妝天既奪之食遺種不復昌寒流  
去如箭勢直千尺強香銷魂不返月落秦餘杭

范蠡言吳見越馳騁射獵彼其上將薄其德民將盡其力又使之怨望於上而天又奪之食乃可以致天地之殛

### 響屨廊

在靈巖山吳王使西施步屨於此寺中今以圓  
照塔前小斜廊為之

長廊架空岷屨響應虛迴時聽雙鴛聲人寂晝陰靜接

武何輕盈揚儀應秀整風來步搖動月明環佩冷香迹  
隨塵銷化作招提境於今聲已斷空對蘇屠影

### 走狗塘

在城西吳王作

遊田涉長洲塘隄如坦途吳王曾走狗一一皆韓盧倚  
狡逐潛兔扼噬奔雄狐追踪極蹠躡徒搏爭馳驅胡為  
兩黑羆南北同嗥呼陰匿既符夢伯業孰與圖

夫差嘗夢兩黑犬嗥以南公孫聖占曰黑者陰也北者匿也願大王按兵修德

### 百花洲

在姑蘇臺下

灼々洲上花穠纖亞紅白豔冶映朱楹芳菲連綺陌看  
花春復春豈知兩賢尼再涉沒以須人去春寂々我來  
千載後繁華總陳迹悵望夕陽低平蕪慘寒碧

越之左右遂涉江又敗吳於沒三  
戰三北三戰笠澤也沒也郊也

吳王井

在靈巖山

山腰水一泓吳宮斃為井千古瀾不生澄々倒雲影碧  
沁冰壺寒香沉蔗漿冷六月消煩歎嬌娃照妝靚銀牀  
墮玉釵金瓶汲素綆日晏猶醺酣為試先春茗

西施洞

在靈巖山半

巖阿穴空洞中有黃金屋潛通苧羅山未此長蛾綠深  
藏春似海嬌貯人如玉貪戀傾城姿寧忘構李辱焉知  
無鎖鑰乘風五湖曲摩挲石上痕洞口遺芳躅

香水溪

在吳故宮俗云西施浴處

吳宮香水溪俗傳脂粉塘煖波浮漲膩晴渚泛紅芳美  
人曾此浴魂銷水猶香可憐清泠泉照此妖冶粧不濯  
郎衣塵孰比華清湯只今開寶林曹溪源更長

酒城一名苦酒城



聞昔酒為池吳今酒有城築城以釀酒不憚民勞生滿  
貯梨花春賸醞竹葉清沉酒曾亡國有戒寧莫懲醉此  
越來水晝眠猶未醒城成更不易時得苦酒稱

### 雞陂

在婁門外吳王養雞城也

城東古婁縣門外有雞陂吳雞多善鬪奮勇若吐奇縱  
觀曾賜錦激猛猶健兒蹀躞徧城墟棲止不以時豈獨  
司晨旦端由肆諧嬉何如夜冥：風雨早猶西

早猶夫差所葬地也

### 翫花池

### 在靈巖山

花穠池水清碧涵紅影亂波浮彩霧明萍開錦雲散池  
上惜花人四時足娛翫胡知若耶妖致使民糜爛一曲  
舞山香花空時已換緊彼後所得曷足供把玩

### 琴臺

### 在靈巖山

山巔屹崇臺路迴臨草堂紫瓊琴已化丹山鳳高翔薜  
花漬碧薦草綠侵石牀我來坐臺上瑟瑟：松風涼壑陰  
靈籟生髣髴宣宮商慨彼據梧人山高兮水長

### 角里村

在洞庭山四皓之一角里先生之鄉也

洞庭之西南粵有角里村中藏避秦人實為秦伯孫一出安漢儲始知德望尊高皇遂悲歌顧寵不忍言羽翼既已成紛、奚復論苟非留侯計元道終邛園

元道角里先生字也周姓

### 死亭灣

在閭門外漢朱買臣妻恥而自縊處也

亭、金閭亭、下水一灣水清宜濯纓不照慙婦顏嗟哉翁子妻年少恥苦飢報焉知夫晚貴持節衣錦還雉經寧忍死嗤彼真愚頑桓、會稽守終身豈常鯨

### 毛公壇

在洞庭山漢劉根得道處根既仙身生綠毛人或見之故名毛公有鎮壇符存

朝遊金庭館解駕毛公壇人影飛高  
清仰浮紫宸端碧樹耀四靈玉井騰神丹漢符闕真迹宛、雲龍蟠我來觀妙象月落空壇寒安得呼我起白日生羽翰

### 支遁庵

在南峰晉僧支道林剡山為龕以居

陟彼支硎山巖俯忽似龕道林嘗卓錫構此棲禪庵虛敞廊有容地靈泉潔甘龍駒騁神駿致使林壑慙苔荒

蹄跡深猶記曾停驂白雲闕巖扃焚香禮瞿曇

放鶴亭

在天峰寺支遁放鶴處也

南峰俱佳勝翼然山上亭憑欄放白鶴振羽凌青冥極  
目際渺茫縱影乘爽靈去々久不返物我俱忘形支公  
好清吟朗詠風冷々鶴從華表來歸時還姓丁

稚兒塔

在半塘法華院晉道生法師有誦法華經童子  
死葬此義熙中商人謝本夜泊此岬聞經聲旦  
尋見塚上生青蓮花郡聞詔建塔

魏々半塘塔自昔名稚兒々葬塔之下臭腐化神奇青  
蓮開塚上花光凝碧滋謂兒轉法華曾說陀羅尼經聲  
或夜聞精爽猶嘜呶諒彼義熙人千載疑傳疑

烏夜村

在崑山南晉穆帝后父何淮寓此生后之夕羣  
鳥驚啼因名

崑玉山南村祥光燭坤倪夜白奪明月羣鳥忽驚棲啞  
々啼徹旦異此聲大奇村東何家婦夜半生王姬焉知  
荆布女后服榮翟禕至今村上民不重生男兒

蔡經宅

在胥門後漢中散大夫王方平得道嘗教經尸  
解之術又與麻姑過飲其家

胥門一區宅幽居混民廛中有求道子骨相應當仙方  
平弭靈節總轡停雲輶麻姑適來會行厨進芳鮮若人  
既委化虛形抱重玄胡為感外象背痒寧受鞭

### 生公臺

在虎邱山生公說法時石皆點頭

步入雲巖寺臺空雨花碧生公講真詮坐此曾振錫山  
靈忽點頭神通悟頑石磐陀與沙磔一一具六識遂使  
巖壑姿於今有德色為問三生魂林間經幾白

### 臨頓里

在城東舊為吳中勝地陸魯望所居也

吳館曰臨頓里巷因館名地偏足佳勝卜構居幽貞琴  
書樂蕭散軒墀謝驕榮鹿門隱同癖松陵詩屢賡於今  
總閭閻獨有橋庚：過者為歔歔猶能慨高情

### 石射棚

在石城山又有石鼓世傳鳴則有兵山上有石

### 馬望如人騎

石城山頭石屹立名石棚石鼓儼在簏石騎勢欲騰昔  
傳父老言鼓鳴即致兵年來屢征戰斯石還有徵方今

氛侵清壙，渤鼓不勝。何如岐陽宅，千載徵文明。

祠廟

至德廟

在閭門內祀泰伯也

勾吳始封君實周之長宗，三以天下讓去國，何從容君親義兩全，讓固德愈崇。荆夷東海，隅黎庶咸來，從遂令千載下至德歌遺風。周祚亦云竭，廟食終無窮。

子胥廟

在盤門內

莞：楚亡臣用吳復父讎，倒行而逆施，道極將誰尤為

吳保先嗣誓雪靈姑羞，嗟君嬖讒，詔合此孩童謀員也。請溘先懸目東門樓，孤忠耿有光，實與天地侔。

申胥曰：今王播棄黎老而孩童焉。比謀曰：予令而不違，夫不違乃違也。不違亡之階也。

春申君廟

在子城西南，即舊城隍廟也。楚封春申君於吳

故祠之

築居故吳墟，封邑遂有吳邑。民嚴廟祀，高宮儼冠裾。說秦歸楚，嗣子時多智，諳相楚，誇豪雄。得君良，有初胡為惑。寵嬖用計，益疎，謂彼母望人英也。其置諸

朱英謂春申君曰：今君處母望之，世事母望之。主安可以無母望之人乎？春申君曰：足下置之。姑蘇樓詠卷上

英卒亡去

三高祠

在吳江垂虹橋東祀越范蠡晉張翰唐陸龜蒙也

吳滅事已濟輕舟歸五湖洛下棄印歸千里懷純鱸甫里樂甘遯自比涪翁漁遭時固先後志操同一趨三賢凜高節愧彼名利徒萬古垂虹月清光炯冰壺

聖姑廟

在洞庭鼇頭山晉王彪女得道或云姓李氏祈禱者不誠則風迴其舟

盈：粉黛妝遺廟臨芳嶼揚靈洞庭西弭節鼇山渚駕龍乘白龜鱗之魚媵子倏來兮忽逝衝風挾雲雨過舟恐濤惡要靈奠椒醕傳載或可稽曰晉王彪女

白龍廟

在陽山世傳東晉時居民繆氏女生一肉塊化白龍而去女驚絕遂立祠山巔又云龍子分職瀟湘每歲歸省其母凡旱必禱焉

陽山第三峯雲深神所栖下有白龍塚上有靈母祠昔傳民家女有龍此山陸龍化母驚絕雷電交相馳於今禱必應雨暘無愆期繫靈神變化猶知有母思

三賢堂

舊在郡治祠唐刺史韋應物白樂天劉禹錫  
詩僊美風流刺史曾牧吳香山愛雅韻每恨不與俱豈  
期寶曆初接踵分郡符詩豪更神逸先得驪龍珠為白  
歌遺愛五馬來于：邠人仰風節構堂表良謨

周元公祠

在吳縣胥臺鄉道山之左四世孫武功大夫奏  
立歲久傾圮八世孫文英復鼎建之繼遭兵火  
僅存故址焉

道山元公祠南宋敕建之曾孫使觀察於茲盡孝思東

吳倡禮樂南國瞻威儀草荒埋斷碣有孫重構基百年  
幾興廢千載留遺辭渾淪得再闢祀復知何時

范文正公祠

在天平山公祖父冢在祠前乃置義莊在山下  
子孫至今守之

天平吳巨鎮奕々魏公祠靈氣盛鬱積慶源來逶迤策  
勲佐台輔威聲鎮羗陲庶幾百年後忠列表令儀歲祀  
具牲醴有司循典彝雲仍蔭垂裕永々惟敬祇

黃姑廟

在崑山縣東黃姑即牽牛星由河鼓訛也父老

言其精嘗降於此因祀之

黃姑與織女睨彼河西東胡為玉山側靈姑於以隆褻  
惟拜靈姑宛然天女容黃姑即河鼓誰能辨雌雄神亦  
不為語惟民之所從有禱輒斯應歲々祈年豐

冢墓

闔閭墓

在虎邱葬用銅棺瀕池金玉為鳧雁魚腸之劍  
在焉三日有白虎踞其上

穿土鑿山骨積壤崇林邱黃腸錮銅槨玉鳧浮承溝金  
精來踞虎瑞兆符眠牛生維寶莫邪于焉殉純鉤池空

因劍名寒碧澄陰湫高深胡足恃曷用智力求

要離墓

在閭門金昌亭傍

細人膽氣雄一言挫壯士臣吳許申胥拔簪刺慶忌兩  
勇苦相厄多君囊底智棄妻固非仁殺身以全義西出  
金昌亭々下幽局閱年々草自春與之山河異

吳女墳

在閭門外闔閭女也因悅童子韓重不得而死  
王舞白鶴於市送之今有鶴舞橋

鶴舞導靈輻花落埋香玉幽憤為誰嬌愁鎖春蛾綠不



復栖鴛鴦馬知走麋鹿嗟爾韓家兒胡為遂所欲相思  
異死生佳期難再復維鳳鄙衆鳥誰能慰煢獨

### 干將墓

在匠門外王使鑄劍二匿其陽王殺之後耕者  
嘗見青蛇繞其冢上

神物須人就爍身劍迺成厥妻剪爪髮投冶濡金精兩  
龍躍而出干將獲全生獻雌匿其陽殺身逆鱗嬰匠門  
傳有冢春莎還自青劍化已云久吳沼墓亦平

### 梁伯鸞墓

在泰伯廟西金昌亭傍伯鸞嘗作五噫歌故詩

### 及之

伯鸞抱清節鸞泰苦勞生吁嗟歌五噫豈其相杵聲配  
無德曜賢曷以成嘉名城西禮讓鄉有此高士塋過者  
為俯式路近金昌亭於今冢雖夷指地民猶稱

### 吳桓王墓

在盤門外三里政和間村民發之得金玉甚多  
相傳吳長沙桓王孫策所葬也

城南桓王墓高冢何穹崇昔為盜所發冢開寶氣空孱  
然一鬢孺揮筆定江東闢地餘千里義勇日以雄萬歲  
期永藏誰能錮幽宮英雄昔所在燕麥搖春風

萬歲永藏四字其墓碑所刻也

### 石崇墓

在吳縣西六里潘岳墓在其北岳金谷詩云白首同所歸卒與崇同被害

城西多巖壑信美非金谷荊州石刺史胡為此埋玉緬懷步障春雲錦爛綺綺買嬌教歌舞不惜珠三斛顧此墜樓人焉知禍所伏蒼々墓已墟誰歟悲宰木

### 顧野王墓

在楞伽山下

迢遙越溪水映帶楞伽山清淑氣所窮鬱々佳城環野

王識龍穴卜兆於其間平地不起墳乃知防後艱癖愛

山水勝清興殊不慳丹青更稱絕猶得留塵寰

平地不起墳野王語也

### 真娘墓

在虎邱山西吳名妓也

女郎善歌舞日事繁華樂死葬虎邱道未忍甘冷落香魂化蝶飛每為春風托至今墳上花猶能媚輕薄紛紛遊冶兒歡呼為盤礴幽々短薄祠誰來酹清酌

### 綽墩

在崑山縣西相傳唐優人黃番綽墓也

談諧多滑稽啓寵納慢侮笑取玉環歡拍按盲胡舞天  
寶志欲滿侈心日益盡宮車遠播遷魄喪漁陽鼓胡為  
王門優有此一坏土遂令村之氓猶能三反語

### 韓蘄王墓

在靈巖山西麓有穹碑在焉

我行靈巖麓豐碑高入雲摩挲石上文有宋蘄王墳唯  
王著忠勇譚笑揮三軍誓雪兩宮恥恢復酬君恩廟堂  
主和議不克成厥勲湖山縱清隱千載銜哀魂

韓自號清隱居士

### 周觀察墓

在虞山東麓宋高宗給賜轉字圩山地十四畝  
零勅葬上立周興裔墓四字大碣至今存焉子  
昂為常熟縣尉孫璵秘書檢閱文字曾孫才沿  
江制機檢察水部兵四世祖孫皆祔葬於此遂  
占籍於吳南即裔孫也

扈宗蹕南渡觀察平江路汪黃誤國謀致令祚遷播孤  
臣馭時艱彈力披肝吐女真肆跳梁穢毒東南土死節  
殉海邦斷臂拒金虜忠血洒荒邱英風邁千古

觀察諱興裔濂溪孫南老祖也寧將血濺胡  
人馬寧肯偷生終櫛間斯觀察之識語也

姑蘇襍詠卷上終

高孫希孟校梓

姑蘇襍詠卷下

吳郡周南老拙逸著

山水

虎邱山

在城西七里上有千人石下有劍池

六鼇海上來平田擁孤峰兩崖劃中開下有泉脉通泉石鬪奇詭闔閭宅幽宮金精化白虎劍氣橫彩虹竭來已銷歇澗壑生悲風惟餘一片石時坐僧譚空

天平山

在吳縣西二十里多奇石有大小石屋

天平翠截嶂高與霄漢齊星辰手可摘磴道飛空梯偉  
石聳奇秀巖屋藏幽栖溶溶白雲深流泉瑩玻璃絕頂  
照湖影光眩眼欲迷我嘗極遐覽杖屨窮攀躋

洞庭山

在太湖中即包山蕩無蛇虎雉三物有穴乃林  
屋洞天闔閭使靈威丈人入探得禹所藏治水  
符并不死方其中有銀屋石室并白芝紫泉又  
有兩圓石叩之則鳴謂神鉦云

兩峯東西峙對屹具區澤波搖巒嶂浮雲開蒼翠積地  
古山有靈蛇虎絕蹤跡林屋窈而深中有真仙宅靈威

探禹符窮幽振金策信有不死方奚為異今昔

思夫山

在太湖中舊說秦有逸人居此採葯不返妻念  
之而死人以名山

峨峨湖中山々崦闢巖扉應知避秦者遠與世事違良  
人採葯去歲久不復歸天寒翠袖薄日夕勞夢思化作  
山頭石引頸雲依々山石或可轉妾心終不移

五塢山

在城西南十五里即橫山也中有飛泉脩竹丹  
霞白雲芳桂五塢故名因各賦一詩和舊韻

芳桂塢

林塢藏幽芳叢桂團蒼玉子落明月中香生流澗曲風  
前墮粟金雨餘明淨綠伍以荃蘭幽愧彼桃李俗中有  
道人居清名紀僊錄為花歌古香對酒不忍觸

飛泉塢

層崖瀉流瀑泓亭貯寒冽乘風曳銀練激湍霏玉屑飛  
珮聲玎玲揚霓影列缺澗底咽春冰松梢墮晴雪相看  
頓清灑時能漱紺潔陰生朱夏寒冷然滌煩熱

脩竹塢

陰森如渭川玉潤寒碧鮮林深積重翠風過鳴繁絃勁

色凌霜露高標拂雲煙愛此抱節君不愛相拘攣終日  
澹凝佇瀟灑壺中天再咏淇澳詩清景能留連

丹霞塢

控晨揖初暘丹暉粲綺麗朱煙炫玄峰絳津澄曉霽飄  
颿紫霓旌嗟峨錦絞髻照映靈穴間翳蒼青林際九苞  
鸞鳳紋五綵麒麟縹掇華朝可餐逸踪久忘世

白雲塢

谷深多白雲盤礴西山西觸石起青嶂垂天覆蒼溪芳  
林藹朝潤叢竹含晚淒擘絮縈秋練帶日橫晴霓悠々  
親舍望冉々巖穴棲白衣忽蒼狗變化胡可齊

陽山

在城西北吳山最高者即秦餘杭山中有白龍湫

高出衆山上獨有秦餘杭雲煙度林麓青翠摩穹蒼中有神龍湫以時司雨暘夫差昔夜匿于馬絕餼糧三呼輒三應道窮愈倥偬公孫言可徵山靈為摧傷

吳王殺公孫聖曰忠而獲罪身死無辜不如提我至深山後世相屬為聲響於是使人提於蒸邱蒸邱在陽山後吳王夜匿山中三呼聖三應王仰天呼曰寡人其可返乎須臾越兵至

龍門

在天平山

兩崖屹相向中局啟空廓玄闕若天開神孕非禹鑿飛磴盤絕壁巉巖翠如削險隘不容乘幽深未須鑰我嘗振衣過幾見神魚躍變化隨風雲俯媿求伸蠖

卓筆峰

在天平山峰下有魏公祠

東巖立孤峰上銳如卓筆林表露青岑偉然脫穎出蒼煙潤生花墨光灑淳漆應知定遠投飛乘風雨疾遙指硯石山雲錦絮緗帙筆下魏公祠忠勲勞紀述

太湖

在吳縣西周圍五百里

東南水所都浩蕩風波橫三江勢既入震澤斯底定琉璃三萬頃空明炯秋鏡白浸雲影閒碧涵水花淨中流兩蛾青東西遠相映鷓夷杳無蹤扣舷發孤詠

天池

在華山老子枕中記云此地可度難池中生千葉青蓮華服之羽化

流泉出山顛平池聚深洼昔聞父老言曾出青蓮華地靈可度難真隱宜仙家泓澄沁晴碧清淺明白沙山僧不好雅鑿佛臨水涯以金布嵯石徒為兒女誇

劍池

在虎邱山

兩崖倚天開蒼淵深莫測千將已飛躍寒波猶鐵色騰光射斗牛寶氣人未識我來憇池上日轉樓陰直轆轤影沉々脩綆汲千尺裹茗試甘寒清風生兩腋

練瀆

在太湖吳王開以練兵

夫差習水戰決瀆湖之傍回瀾匯衝激破浪瀦汪洋千艘連舳艦三軍練餘艘一鼓山岳傾再鼓波濤揚焉知君子卒潛涉江中央江湖利竝失兵弛不復張



越軍於江南中分其師為左右以私卒君子六千人為中軍潛涉以襲攻之吳師大北  
范蠡嘗曰與我爭三江五湖之利者非吳耶

### 明月灣

在太湖洞庭山下

秋高木葉下涼月照湖曲陰精躍浮金冰壺炯寒玉露  
澄彩奪鮮波涵光可掬蘭舟棹空明良宵氣清肅萬象  
森寒芒川澤盱駭矚把笛不敢吹湫龍豈容觸

### 越來溪

在橫山下越伐吳兵自此入

踞湖山崔巍來越溪泂洄美娃獻國色柵楣輸梓材連

檣載越貢一一從此來經營路已熟甌作知有胎兒甲  
忽夜涉桴鼓喧如雷至今風雨夕溪聲尚餘哀

### 採蓮涇

在城西南相傳吳王使美人於此採蓮

採蓮、有涇、帶城西南美人棹輕橈花深採芳甘香  
風飄翠舉明粧照紅酣摘鮮駢紫葯顧影墮瑤簪藕絲  
長不斷君情短何慙食甘心更苦君樂非所堪

### 女墳湖

在吳縣西北吳王葬女處也

吳女葬湖上湖名因女墳盈、春宮花脉、秋水雲局

深耿幽光帳空發餘薰長夜不復旦有懷欲誰云化作  
雙鴛鴦來往湖之濱不是韓朋魄乃知韓重魂

銷夏灣

在太湖吳王避暑處也

湖流抱山曲平林俯風渚十里足清景六月不知暑陰  
崖振靈籟飛波灑涼雨桃笙凝翠濤梅寒生白苧冰簾  
晝不捲恍疑眠洞府時異景亦殊湖上空延佇

硯池

在靈巖山

城西硯石山之泓硯池水陰藹玄雲生誰曾滌龍尾煙

光漾晴碧墨花凝暮紫松滋染蛾綠濡漬毛錐子請成  
書七反揮毫雲落紙硯枯池水乾不雪父讎恥

吳王請成於越凡七  
反越王不聽復伐吳

錦帆涇

在城內即濠也世言吳王於此錦帆以遊

闔閭城何高城下環池濠臨堤垂細柳夾水開繁桃春  
風張錦帆樓船駕靈鼇懽呼襍絃管放情遊以遨載嬌  
極盤樂侈蕩誇雄豪忘爾申胥忠不念汗馬勞

泉石

白雲泉

在天平山腰乳泉也

出山為白雲在山為甘泉顧茲白雲深有此清且涓石  
乳流蒼竇秋碧涵青天乃知氣所鍾靈澤襲九淵水昇  
即變態彌亘層崖巔散作三日霖造化伊誰權

石井泉

在虎邱山四面石壁天成張又新品為第三泉  
歷覽劔池上宛然古石井四壁若天成鱗皴立蒼礪泉  
自石脉生沉々貯淵靚樹影蔭深青茶香漱甘冷徘徊  
訪陳迹汲泉得修綆昔人品第三予今當雋永

寒泉

在支硎山有石平廣泉流其上

道周有磐石如砥平而廣山泉流石上清泚挹西爽涓  
々漱甘寒潺々瀉微響支公留馬迹于焉稅歸鞅山以  
支硎名宜取磐石像高逸清且幽泉能慰懷想

太湖石

出洞庭西山生水中者貴唐牛僧孺家諸石以  
此為甲宋宣和間朱覲取進之大見珍異

世稱湖石貴玉色自玲瓏波濤久衝撞不假斤斧工溫  
娑含宿潤雲霧生溟濛深宮秘清玩採搜幾欲空巨艦  
運有網民力疲已窮噫歟盤固侯無地悲秋風

千人石

在虎邱劍池上

山間一片石陂陀劍池上曾使坐千人脫屣知幾緡盤  
礴雲根深眼前喜平曠生公昔講法出林揚梵放聽者  
幾千人紛々悉歸嚮解使石點頭誰云語非妄

園亭

顧辟疆園

其地今不可考自晉以來最為有名

晉顧辟疆園中吳稱第一林石萃幽怪勝槩少儔匹遺  
跡今無知品題存簡帙清景付任晦皮陸曾紀述後先

幾百年盛衰成兩失慨彼樂有時每憐魚鳥逸

南園

在城南吳越廣陵王錢元璪所闢營之三十年  
勝甲吳中今郡學前菜圃也

廣陵擬王貴據此南園勝豪奢及年富樂只名實稱黃  
州欲歸老徒發功成詠詔賜蔡觀察寵恩逾袞贈繼入  
循王家歲晏時難更只今圃已蔬風雨茆簷暝

松江亭

在吳江垂虹橋上

虛亭駕垂虹宛在水中沚江湖界左右闌檻俯清泚踈

簾動秋碧遙山凝暮紫憑虛際空濶應接殊未已漁歌  
忽互答聲落煙波裏扁舟去遙々可是鷓鴣子

### 齊雲樓

在子城上今燬

飛樓架寥沈高與青雲齊霓翬綺碧燦欄橫河漢低樓  
上梨春濃樓外柳鶯啼時逢四海清白守曾詠題併入  
一炬紅梁燕失故棲城頭訪遺址春草綠以萋

### 滄浪亭

在郡學東積水數十畝蘇子美構亭於上其名  
始著

引流帶林麓種竹臨淺清結亭水竹間表以滄浪名蘇  
公稅歸駕豈惟濯塵纓林泉得所寓魚鳥俱忘情探幽  
人已遠潭餘秋水生不知幾興廢感我空怔營

### 鱸鄉亭

在吳江以陳文獻公詩語名也

吳江魚米鄉秋鱸味偏賸步兵不耐官千里動歸興知  
餘想清致

文獻公諱堯佐  
知餘其別號也

冰玉同輝映繫舟未忍去悠

然發孤詠雅哉林屯田作亭名始稱樂只鱸之鄉自悅  
魚鳥性

### 寺宇

靈巖寺

在靈巖山吳館娃宮舊地

招提名秀峰昔吳館娃宮繁華頓消滅梵宇峨穹崇禪  
堂擁深翠虛閣涵遠空曾來西土僧繪像遺廡東赫靈  
示神異往來咸信從炯々大智燈明光破羣蒙

南峰寺

在吳縣西二十五里支遁別庵也山有石門

窮玄陟南峰躋攀待月嶺逕入石門幽山嵌石室迴支  
郎昔安禪秀出三峯頂苔深印馬跡雲隨歸鶴影茲遊  
喜清暢決去事幽屏為酌碧琳泉巖前試山茗

楞伽寺

在橫山下石湖上山頂有塔隋人書碑甚工

曳杖行春橋擬向招提宿路過橫山阿門挹湖光綠尋  
幽得清境探奇極遙矚山頭屹浮屠銘碑立蒼玉大業  
魏瑗書秀整殊不俗老眼為渠醒摩挲再三讀

堯峰院

在橫山寺有寶雲井偃蓋松白龍洞

橫山聳別峯仰陟高岩窈佛宮古唐宇照耀山之椒老  
松偃翠蓋澗壑迴鮮飈沼澄碧玉瑩龍歸白雲飄開軒  
面平湖清輝日可招尋僧特相問峯名何以堯

慧聚寺

在崑山殿柱有張僧繇畫龍今燬

梁寺依山險疊構非人役殿古隨龍化遺基尚神迹雲  
歸山氣暝石潤蘚花濕林籟生春陰鐘魚鳴午寂僧房  
見山圖佳勝嘗目擊獨有雷火篆靈異人莫識

孤園寺

在洞庭山梁散騎常侍吳猛故宅也

湖曲孤園寺梁朝常侍宅地僻人少來山險勢不阨幻  
出金仙宮恍然蓬水隔樓觀倚巖碧軒楹映湖白塵踪  
極幽蹈笑指庭前柏老衲方定起聽法來淵客

橋梁

臯橋

在閭門內由漢賢士臯伯通居此得名

漢郎臯伯通卜居近西城門前橋突兀時以臯為名大  
橫當孔道來往人營之伯鸞操井白衆中為懽迎豈惟  
隱士賢乃貴知人明二賢久已矣問橋猶有徵

乘魚橋

在子城西北宋吳子英嘗於此得赤鯉有翅角  
乘而飛去

范陽水府仙腳踏赤鯉公乘之過此橋飛昇凌太空御

氣鼓兩翼飄颻雲霧中魚化仙已遠橋影架晴虹冷  
橋下水隨風自西東鱗鱗或來迎誰歟巧相逢

### 楓橋

在閶門西里唐張繼題詩處也

楓橋橫廣驛西出閶門西火明江上村霜紅映清溪舟  
衝疎雨過帆收暮煙低鐘聲來半夜月落林烏啼景為  
詩人勝二美留唐題每為吊陳迹過此或少稽

### 烏鵲橋

在城內古有烏鵲館故名

古有烏鵲館橋名因館舊烏鵲已南飛影落蒼石竇彷彿

佛霓橫空知是何年構往來頻送迎女牛曾邂逅銀漢  
秋愈高靈槎莫予覲愧非濟川才欲進不可又

### 襍賦

#### 南山有鳥

吳王女悅韓重不得而死重游學歸往哭其墓  
玉形見贈重明珠作歌曰南山有鳥北山張羅  
云

南山有朱鳥一舉高飛揚翱翔不復下罽羅空四張雲  
間雄既失哀鳴感孤凰銜冤九泉深腸情各摧傷猶將  
徑寸珠為君結明璫焉知隔生死身世兩茫茫



玉波冷雙蓮

唐處士李羸夜遊震澤逢女郎為歌玉波冷雙蓮之曲曰此哀吳宮二隊長之詞又歌其所製芷秀葯華之曲蓋龍女云二曲世皆不傳

涼月墮玉波露泣雙蓮冷瑣窗開洞門虛落冰簾影美人久延佇盈、素粧靚酒進珊瑚鍾神遊蓬海境何期月下逢雲鬟笑相倩為言長相思羅襪香塵淨

牛宮詞

吳地早濕冬寒牛即入欄唐人因名

吁嗟扣角人悲歌夜方窮單衣才至斲何以禦嚴冬

照田蠶詞

吳俗除夜田間燃高炬謂之照田蠶

今夕歲云除村、照田紅流光散遠通列炬明西東祈禳祝田祖歡呼走兒童我蠶宜早熟我田宜年豐螟螣無我害雨暘適時中歲既備乃事終善斯昭融

偃松

在天平山西舊文正書院前

松老更奇怪托根羊腸西神秀鍾鬱蟠造化不與齊長枝偃垂地蒼虬走飲溪高蓋團飛雲翠煙含青霓鳴鳳昔迴翥安能久卑棲書堂蔭松側歸然留舊題

弔幽獨君

唐大曆間虎邗山石上隱出詩二首甚哀又自言墳在山北不知何人也

閱乎山之幽玄扃闕獨嗟爾長夜魂愁共哀猿哭衷情見於辭隱石句堪讀形化神不留奚啻同朽木冥之既飄散胡為未忘欲猶知念所親身百其可贖

開元寺石鉢

晉漁者得於滬瀆將貯葷茹忽見佛像遂獻於寺其質非玉非石今存

寺存古佛鉢傳是帝青石昔授過量人持此曾乞食流

落湖潭深偶為漁者得不堪貯葷茹光彩粲五色惟應供法王還當飯香積寺僧勤愛護寶之重連璧

兩妓

李娟張態白樂天守吳時名妓也

吳城素繁華妓樂多媚媼使君更風流長年樂歌舞李娟與張態曾為使君許勸客母相嫌隨宜且教取於時太平久使君當樂胥闕睢麟趾風還知孰可數

甫里

在松江上陸魯望所居也

里宅淞之陽水匯勝斯聚天惟闕絕景幽人得容與筆

牀載蘭艇茶煙颺風渚放浪江湖間長年期樂胥高風  
播當時清節凜千古睠彼祠前花池蓮搖白羽

疊韻吳宮詞

皮陸嘗有此作因戲效其體二首

鏡映賸瑩靚西施卑低眉媵命更聽令其歸知誰之  
越發曰厥代羗傷王倬俚卒蹶忽突兀郎當相將忘

補遺

學道書院并序

在范文正公義莊前錦帆涇上祠吳公言偃涇  
東立門面通衢涇西有先聖燕居殿專祠居殿

後又西則講堂齋舍教官廳事咸備焉大小屋  
計七十餘間基地一十三畝後抵雍熙寺宋郡  
守黃鏞以蘇為吳公鄉里子孫散處民廛皆失  
業遂請於朝撥降官沒僧思梵產創書院勅額  
名學道設山長員給田十頃教養其子孫朔望  
則范氏亦附奠謁以其相去甚邇也及元初佛  
教盛於中國揚總統奉命立江南僧司遂據有  
書院為僧錄司田之在崑山州者亦為豪僧所  
奪時使然也山長金德修祖宗震共買徐季子  
橋南高氏園堂奉安聖賢像粗陳祭也儒職劉

德剛具詞聞有司轉達中書省送禮戶二部議  
擬斷付書院管業時德剛上下懇訴凡三載始  
得田租而書院雖在議乃為雍熙寺所有寺僧  
構結市民分佃居住至元庚辰南供書院直學  
職山長差故文正公八世孫文英以致仕本路  
儒學教授來權書院事於是覈故實請復舊貫  
時有司為豪民所抑事不獲明適金華黃潛任  
江浙儒學提舉遂由儒司申行省檢照得中書  
咨文劄付本府照依省部定擬斷付管業復委  
所屬錄事司丈量交割間山長程藻來領職溺

於賄故不克遷復乃議入賃狀歲得鈔以定計  
者九有奇民狡而黠不數年易以貫計而據者  
益固視如己業矣繼遭兵變有司文牘悉燬遂  
湮沒焉吁異端之惑衆尚矣矧又民橫吏貪而  
主書院者視若傳舍亦利濡沫之私終不克復  
豈斯道之未信耶抑吾儒之不幸耶南嘗任學  
職范先生又南之姻黨故得備其實述之以待  
來者又從而為之詩

有美吳公祠宋勅書院名奕々燕居宮傍臨錦帆涇地  
接浮屠鄰設購終侵陵聖學日以湮異端勢可乘舊觀

不可復貪夫猶可憎永言紀故實後人或有徵

和靖書院并序

在虎邛山祠尹肅公煇公嘗讀書山下號所居曰三畏後人因之以立祠改剏書院名曰和靖以表先賢藏修之地爰用教育吳之俊秀以來四方士子講明濂伊洛之學仍設官撥田以備教養及元初異端肆蹶遂為勢力僧所奪乃指曰此虎邛雲巖寺下菴也書院移置於吳城烏鵲北橋頗狹隘至元間山長胡玄菴嘗請復舊寺僧富且橫卒不果今西麓之西菴即其所也序

公年譜者有曰先生寓居虎邛之西菴此附會其說也

肅公讀書堂昔在劔池下宋季立書院祠祀來昭假教闡濂洛源於以集儒雅雲巖寺日廣僧占作蘭若疏請屢上陳口衆我力寡斯道或好還予將冀來者

文正書院并序

在雍熙寺後祠魏國文正公范仲淹宗郡守潛越友即公義宅之東立祠奉祭所以表公之忠義事業垂永於後世也以大宗孫世守之歲時郡守率僚屬致祭為常典及元亦如之至正己

丑八世孫文英申請於朝即祠建學改額曰文正書院不設官仍命主祭者掌學事延名儒教其族子弟及鄉之俊秀義莊義田悉遵祖規書院不與焉今書院雖存而義田則滄沒於官矣濟族食有田聚族居有宅即宅嚴公祠承三縣世澤施於八葉孫勵志偉前績建學請朝旨錫以文正額表辭著忠貞流慶方為奕嗟爾牟利徒胡肯念往昔

### 鶴山書院并序

在吳郡學後祠魏文靖公了翁即公之賜第也公以權工部侍郎坐言事忤時相謫靖州凡七

年取諸經註疏摘為要義又取濂洛以來諸大儒易說為周易集義時紹定也端平丙申除潭州帥辭嘉熙丁酉改福州帥辭卒於賜第年六十葬吳高景山公昔歸臨邛即白鶴山築屋聚書會友講學四方謂之鶴山先生嘗為鶴山書院理宗親書扁元至順八年曾孫起請於朝即其居奉祠建學以推明其所傳史臣虞集奉勅題書院額著記以賜之世以主祭孫掌其事亦不設官詳載書院記文今碑石亦不存

學溯濂洛源道倡推廢餘謫居五溪久窮經萃華腴姑

蘇有賜第歸葬吳山隅即吳奉祠祭建學宏軌模題額  
侈上榮著記懷永圖仰止白鶴山胡忍忘厥初

附詞二闋

裴莊故業

在常熟縣裴莊故墟因唐相裴公而名焉予先  
祖得之迄今百餘年再經兵燹日就荒蕪予因  
奔走宦途蹤跡不至者一十五載己酉冬孟重  
過故墟不覺惻然謾賦此以寓懷感洪武二年

南老題

白頭歸老田間故墟蓊莽無形迹吳塘橋下依稀舊址

問人纔識物換人非訪尋親友總成狼籍滿目荒藜亂  
草敗簷頽壁斜日澹煙岑寂細數古今興廢想裴公  
尚能懷憶有唐相業盛名赫々至今無匹愧我儒流宗  
衰祚薄撫時堪惜試看他甲第連雲後日視今猶昔

右調水龍吟

晚步有感

予晚步後圃因吾子敏新廣陸氏地遂念昔日  
將有侵凌之意感而賦此

縱步西風晚圃藩籬剖破擴我先疇有子承家俛焉能  
事鋤耰樹梢明夕陽未下煙靄淡涼雨初收倚清秋一

聲長嘯今古悠々 知否昔年此地富吞豪奪曾構讎  
謀今日全歸那知有待為吾留繞圍墻賸栽桑柘饒沃  
壤宜爾來年且優游兒孫樂只營此菟裘

右調五蝴蝶

裔孫 希孟 校梓

姑蘇襍詠卷下終

姑蘇襍詠卷下

二十一



此萬曆中刻本與青邱姑蘇雜詠一百三十六篇合刊南老鄉人也故  
錄之壬戌臘盡日校記初園